

Članak Larry Butler-a, prvog zamjenika visokog predstavnika: "Pomilovanja i ljudi na vlasti"

Odlukom Visokog predstavnika praktično su ukinute ovlasti Predsjedništva BiH za davanje pomilovanja i ograničene su okolnosti u kojima ih entitetski predsjednici mogu odobravati.

Do donošenja odluke Visokog predstavnika, državni i entitetski predsjednici imali su ovlasti da daju pomilovanja *čak i prije suđenja za počinjeno krivično djelo!* Sud je mogao izvršiti svoju obavezu, utvrditi istinu i izreći kaznu – a optuženi je mogao sve to mirno posmatrati znajući da absolutno nema šanse da će odslužiti kaznu!

Stari Zakon o pomilovanju je bio takav da u Bosni i Hercegovini, ako imate dobre veze na vrhu, ne morate se bojati zakona.

Sadašnji sistem nije "vladavina zakona": on je "vladavina moćnih". Sistem pomilovanja mora se primjenjivati jednako na sve.

Zbog toga nam je potreban novi Zakon o pomilovanjima.

Gospodin Prce jeste pomilovan u skladu sa slovom postojećeg zakona – međutim, to se kosi sa svim naporima da se građani BiH oslobole duboko ukorijenjene korupcije koja se poput kuge nadvija nad javnim životom u ovoj zemlji.

Novi Zakon o pomilovanju BiH onemogućit će davanje sličnih pomilovanja. On će obavezivati državne i entitetske lidere na to da sva pomilovanja budu javna i da moraju obrazložiti razloge za pomilovanja koja odobre.

Novi zakon, čiji nacrt je izradila radna grupa u okviru Ministarstva pravde BiH, mora bez odlaganja biti razmotren u Vijeću ministara. Raspored aktivnosti Parlamenta omogućava da se ovaj zakon doneše i stavi na snagu do sredine oktobra.

Predsjednik Lozančić je praktično iskoristio svoje ovlasti kao Predsjednik F BiH da se umiješa u predmet koji se vodio pred Sudom BiH u vrijeme kada se radilo na zakonu na državnom nivou kojim bi se spriječilo upravo ovakvo pomilovanje.

To kazuje mnogo o predsjedniku Lozančiću. Izostanak velike kritike od ostatka političkog establišmenta govori više nego dovoljno o njihovom opredjeljenju u zaštiti interesa građana.

Ovakva vrsta pomilovanja je skandal. S tim se mora prestati.